



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Canonicis Brvndvsinis, & universo Clero Brundusinae dioecesis.

urn:nbn:de:hbz:466:1-20006

entes, linea nobis consanguinitatis astrictos, ei super executione balij duximus adjungendos, cum eis & per eos necessarium destinantes auxilium & praesidium opportunum; sperantes in eo qui non deserit sperantes in se quod dummodo studeatis eis, sicut deberis, intendere, fructum facient exoptatum. Quia verò per opera potius quam per verba vos ad devotionem sedis apostolicae & fidelitatem regiae celitudinis necnon & regni defensionem amplius inducere disponimus & fortius confirmare, remota prolixitate sermonum, cum tempus agendi sit potius quam loquendi, universitatem vestram monemus attentiūs, & sub debito juramenti, quod nobis prestatistis de balio, districte præcipimus, quatenus eis, sicut Vicariis nostris, plenissimè intendatis; ita quod vestro studio suffragante, per eorum industriam tempestate sedata, diu desiderata tranquillitas reducatur. Ut autem temporali potestas per spiritualem auctoritatem efficacius adjuverur, cum simul omnibus vices balij committamus, predicto Cardinali etiam legationis officium per totum regnum Siciliæ duximus concedendum; volentes pariter & mandantes ut quicquid omnes simul, aut aliqui vel aliquis eorum cum ipso, super administratione temporali statuerint ad honorem & profectum apostolicae sedis & regiae celitudinis, recipiant ab omnibus & servetur. Quicquid autem ipse super administratione temporali decreverit, plenam obtineat firmitatem. Datum Laterani.

In eundem modum Archiepiscopo, Clero, Militibus, & populo Tranensis. Archiepiscopo, Clero, Militibus, & populo Cosenzini. Episcopo, Clero, Militibus, & populo Melfien. Episcopo, Clero, Militibus, & populo Florentin. Episcopo, Clero, Militibus, & populo Capusanen. Clero, Militibus, & populo Casalis novi. Clero, Militibus, & populo sancti Severi. Episcopo, Clero, Militibus, & populo Civitaten. Episcopo, Clero, Militibus, & populo Polinianen. Clero, Militibus, & populo de Barli. Episcopo, Clero, Militibus, & populo Tarentin. Archiepiscopo, Clero, Militibus, & populo Acherontin. Episcopo, Clero, Militibus, & populo Salpen. Episcopo, Clero, Militibus, & populo Theatin. Episcopo, Clero, Militibus, & populo Bitetten. Episcopo, Clero, Militibus, & populo Asculan.

Archiepiscopo, Clero, Baronibus, Militibus, & populo Hydronin. Episcopo, Clero, Militibus, & populo Iuvenaci. Episcopo, Clero, Militibus, & populo Botentin. Episcopo, Clero, Militibus, & populo Andren. Episcopo, Clero, Militibus, & populo Licien. Episcopo, Clero, Militibus, & populo Riwellen. Episcopo, Clero, Militibus, & populo Aversan. Episcopo, Clero, Militibus, & populo Vestan. Clero, Militibus, & populo de Fogia. Episcopo, Clero, Militibus, & populo Rapollen. Archiepiscopo, Clero, Militibus, & populo Baren. Clero, Militibus, & populo Tarentin. Clero, Militibus, & populo Montis Corbin. Archiepiscopo, Clero, Militibus, & populo Regin. Episcopo Clero, Militibus, & populo Manturanen. Episcopo, Clero, Militibus, & populo Mopolitan. Episcopo, Clero, Militibus, & populo Venusin. Episcopo, Clero, Militibus, & populo Potentin. Clero, Militibus, & populo Brundusin. Episcopo, Clero, Militibus, & populo Baianen. Clero, Militibus, & populo Alarinen. Episcopo, Militibus, & populo Termalan. Archiepiscopo, Clero, Militibus, & populo Surrenian. Episcopo, Clero, Militibus, & populo Policastron. Episcopo, Clero, Militibus, & populo Neocastren. Episcopo, Clero, Militibus, & populo Avelinen. Clero, Militibus, & populo Neapolitan. Archiepiscopo, Clero, Militibus, & populo Sipontin. Episcopo, Clero, Militibus, & populo Scalen. Clero, Militibus, & populo Trojan. Episcopo, Clero, Militibus, & populo Cassanen. Clero, Militibus, & populo Gargan. Comitibus, Baronibus, Iustitiariis, & universis populis per regnum Siciliæ constitutis. Archiepiscopis, Episcopis, & certis Ecclesiarum Prælatis, & universis Clericis per regnum Siciliæ constitutis.

CANONICIS BRUNDUSINIS,
& universo Clero Brundusinæ dioecesis.

Nuntios vestros & litteras, filij Canonicis, saepe receperimus, per quas venerabili fratri nostro electo vestro multa & gravia objecta fuerunt: propter quod ipsum aliquanto tempore apudsedem apostolicam detinuimus, expectantes si forre aliquis, qui vellet prosequi accusationes adversus eum propositas, compareret. Cumque post diutinam expectationem nullus apparuissest in nostra praesentia qui contra ipsum in accusacione procederet, licet quosdam vestrum acceperimus usque Beneventum venisse, sed propter viarum discrimina non

Epi. 146.
Ut electo suo,
qui tunc apud
Pontificem de
objectionis crimi-
nibus purgari,
obtemperant.

potuisse transire , & ipse de injusta ejec-
tione sua coram nobis pluries querimo-
niam replicasset , & in locum suum resti-
tui postularer instanter , tandem pro eo
dilecti filij Capitulum & universus Cle-
rus Horitan. suas nobis litteras destina-
runt , ipsum velut Episcopum suum re-
mitti postulantibus ad Ecclesiam Horitan.
cum plenitudine potestatis , & nobis
etiam humiliter supplicarunt ut daremus
in mandatis eidem quod dignitates &
jura Ecclesiae Horitan. illibata confer-
vans , in ea chrisma conficiat , & Cleri-
corum ordinationes necnon & solennes
festivitates ibidem non postponat alter-
na vicissitudine celebrare . In qua peti-
tione Horitanæ Ecclesiae nequaquam
duximus annuendum , immo eam pror-
sus decrevimus repellendam , cum sta-
tum possessionis Ecclesiae Brundusinæ
sine cognitione nolimus per alicujus astu-
tiam immutari . Verum quoniam quere-
las præfati electi sèpius iteratas nequi-
vimus surdis auribus pertransire , tam ei
quam Ecclesia Brundusinæ , prout justi-
tiae tenor expostulat , providere volen-
tes , universitati vestræ per apostolica
scripta mandamus quatenus eo reducto
in eum statum in quo erat quando rece-
dit ab Ecclesia Brundusina , ei aut procur-
atori suo de pontificalibus iustitiis ple-
nè respondere curetis , & ipsi , tanquam
pastori vestro , devotè atque humiliter
obedire ; ut cum destitutus ante restitu-
tionem juxta legitimas & canonicas san-
ctiones accusari non debeat , ne status
tam Ecclesiae quam persona sine pericu-
lo diutiùs maneat in suspenso , restitu-
tione præmissa , si quis voluerit & value-
rit , in accusationem ipsius rectè proce-
dat . super quo tam vobis quam ipsi Do-
minicam qua cantatur *Lectare Hierusalem*
proximè venturam terminum affi-
gnamus . Noveritis autem nos venera-
bili fratri nostro Cuperfanensi Episcopo
in mandatis dedisse ut si vos juxta man-
datum nostrum ei nolueritis obedere , vos
ad hoc per censuram ecclesiasticam ap-
pellatione remota compellat . Datum
Laterani XVI. Kal. Ianuarij.

Illi scriptum est super hoc.

CAPITVLO ET CLERO
Horitanensi.

Epiſt. 247. **N**untios &c. usque ad verbum obe-
dire . Ideoque universitati vestræ

per apostolica scripta mandamus quate-
nus ei jura pontificalia , debitam etiam
reverentiam & obedientiam , sicut Prä-
lato vestro , exhibere minimè postpona-
tis . Noveritis autem nos &c. ut *suprà*.
Datum ut *suprà*.

MAGISTRO HENRICO
Archidiacono Clasensi.

Iustis petentium desideriis &c. usque
Epiſt. 248. ad verbum assensu , personam tuam
cum omnibus bonis tam ecclesiasticis
quam mundanis &c. usque ad verbum sus-
cipimus . Specialiter autem archidiacono-
natum Clusiensem cum omnibus pertinentiis suis , sicut illum justè possides &
quietè , devotioni tuae auctoritate apo-
stolica confirmamus &c. Nulli ergo &c.
Si quis autem &c. Datum Laterani
XVIII. Kal. Ianuarij.

HILARIO ARCHIDIACONO
de Quiz.

Cum à nobis petitur quod justum
est &c. archidiaconatum de Quiz ,
cum omnibus pertinentiis suis , sicut ip-
sum justè possides & quietè &c. ut *suprà*.
Nulli ergo &c.

MAGISTRO HENRICO
Canonico Ecclesie sancti Michaelis
Ultrasylvanensis.

Cum à nobis petitur &c. usque ad
Epiſt. 249. verbum annuentes , præbendam Ec-
clesiae sancti Michaëlis Ultrasylvanen-
sium cum omnibus pertinentiis suis , sicut eam
justè & quietè possides , auctoritate tibi
apostolica confirmamus , & præsentis
scripti patrocinio communimus . Nulli
ergo &c. Siquis autem &c. Datum La-
terani XVIII. Kal. Ianuarij.

ILLVSTRI REGI FRANCORVM.

Nuper ad nos carissimus in Christo
filius noster A. Rex Hierosolymitanorum
illustris suos cum litteris nun-
cios destinavit , per quos miserias & ne-
cessitates terræ orientalis , quæ gravio-
res & plures sunt solito , nobis exposuit ,
& festinatum subsidium postulavit . Cum
enim pauci sint ibi ad custodiā terra
relicti , quæ ferè nunc tota peccatis exi-
gentibus est viris & viribus spoliata , nisi
eis fuerit citè subventum , tam terra
quam populi periculum formidatur ,
quod ex discordia Saracenorū , qui
se ipsos impugnant , viderur Dominus

Epiſt. 251.
Ut Regi Hiero-
solymitano
contra Sarra-
cenos auxilia
mittat , & Ge-
nerum Impera-
tori scribat ut
ab intestinis
contra Chris-
tianos bellis
abstineat .